




TIITTELI	ASTONIN LAHJAT
OHJAUS	Uzi Geffenblad & Lotta Geffenblad
VUOSI	2012
PITTOUS	9 min
MAA	Ruotti
SUOS IKÄ	3 vuotta
OHJEET	Nina Nykvist

KIRJALISET MALLIT
ASTONIN LAHJAT: LOTTA GEFFENBLAD
KOSTANUS: BONNIER CARLSEN

TULOSTETTU VÄRSUUNI:
WWW.FILMCENTRUM.SE

KERTOMUS

Met kohtaama Aston-koiran nuina nuha- ja saepäivinä juuri ennen sen syntymäpäivää. Aston oottaa innoishaan, ette hänen tulee terhveeksi, ja ette hänen täyttää vuosia. Oottaeshaan se käärii pakettia – enniimät talon tavarat käärihään; suolasalkkari, pikkukarhuut, tiskiporsta, ja jopa toalättitooli!

Ko syntymäpäivä viimen tulee se saapi pyörän. Ja postissa tulee vielä yks lahja: lennättävä leija. Mutta ulkona vielä niin ette Aston häätty viivyttää lahjojen kokkeilua. Rohki tuuri, ette leijapaketissa oon tukiplankku! Sen Aston saattaa ottaa myötä esikouhluun ja leekata sillä monela laila. Ko viimen heittää satamasta pere lähtee ulkoihleen vihreytheen. Pappa ja Aston lennättävää leijaa ja mamma peltaa sillä aikaa jitarria.

Mutta silloin Aston päästää rihmaan ja leija tarttuu puuhun ja särkyy. Pappa pittää sen suruli-sena ja Aston lohuttaa sitä paketilla: Plankusta ja siitä mitä oon jäljelä leijasta se oon rakentan-nu leikkivenheen, millä net saattava leekata vesilä. ”Plankhuun saattaa luottaa, se kestää kaiket päivät”, Aston sannoo.

ESITTÄMISEN EELTÄVÄ OPASTUS

Eikös olekki jännää täyttää vuosia? Niin Astonki tykkää. Se oottaa niin innokkaasti lahjoja, ette se tekkee omia, ja monia lahjoja tullee...

FILMIN TEEMAT

Täyttää vuosia oon suuri ja tärkeä taphatuma lapsele. Ko päivä lähestyy jännitys saattaa tulla jopa kestävämmäksi. Aston työstää sitä tekemällä lahjoja kaikesta mitä se löytää.

Ko syntymäpäivä viimen tullee se saapi monta tosi fiiniä lahjaa – piiiainkin liika fiiniä. Pyörää ja leijaa ei saata viä satheesheen, ja sen lisäksi leija särkyy kohta varsin. Mutta Aston näkkee jossaki arvon, jota raahvaat ei ole havahneet, ja paras lahja oon jotaki oottamatonta.

LAHJAHUNTEERINKIÄ JA JOKAPÄIVÄSTEN LEIKKIKAMPHEITTEN KANS LEEKAAMINEN

Miksis met annama toisile lahjoja?

Koskas met sen tehämä?

Oonkos olemassa muita juhlia ko syntymäpäivät ja jouluaatot ko lahjoja annethaan? Mikäs oon hauskeempaa, saa'a lahjoja vai antaa?

Aston anto omale papale lahjan ko tämä oli surulinen. Saattaakos sitä tulla iloseksi taas jos saapi lahjan? Mistäs tet uskotta pappa tuli enniiten iloseksi, venheestä vai siitä, ette Aston oli sille siivo? Joskus sitä tullee iloseksi jostaki oottamattomasta: plankkuhaan oli leijan suoja, ja kuitenkin Aston leekasi

Leekatkaa erilaisilla arkipäivän kampheilla yhen koko päivän: rakentakaa kaupunki taikka talo, missä net saattava asua, missä net saava eri nimiä ja ominaisuuksia ... siitä saattaa tulla alku uuden tavan leekamiselle!

enniiten sillä. Muistatkos mitä se teki sillä? Mihinäs muuhun plankkua saattas käyttää?

Mitäs saattaa tehdä enkkeltillä kampheilla joita teillä oon ympärillä? Kampa, tiskiporsta, sutikymmi ...?

SYNTYMÄPÄIVÄLAULUJA

Mitäs tet pruukaatta laulaa ko joku täyttää vuosia? Kunkas monta laulua tet ossaatta? Kunka monela kielelä?

Astonin vanhemmat lauloit ”Ja mä han leva” koirankielelä.

Miltäs se kuulostas jos kissat laulasit laulun kissankielelä? Laula laulu eri elläinten ja äänelä!

PAKETTILEIKKI

Kääri kampheita joissa oon selvä malli ja anna lasten arvata mitä paketissa oon. Tehe fiini lahjapaperi ja maalauksia taikka färrikuvia avisista.

